

重刊巢氏諸病源候總論

九





中惡病諸候 凡十四論

中惡候

中惡者是人精神衰弱為鬼神之氣卒中之一也夫人陰陽順理榮衛調平神守則強邪不干正若將攝失宜精神衰弱便中鬼毒之氣其狀卒然心腹刺痛悶亂欲死凡卒中惡腹大而滿者診其脉緊大而浮者死緊細而微者生又中惡吐血故升脉沈數細者死浮焮如疾者生中惡者差後餘勢所滯發作則變成注

中惡死候

中鬼邪之氣卒然心腹絞痛悶絕此是客邪暴盛陰陽為之離絕上下不通故氣暴厥絕如死良久其氣復生也而有

乘年之衰逢月之空失時之和謂之三虛三虛而府藏衰弱精神微羸中之則真氣竭絕則死其得瘥者若餘勢停滯發作則變成注

尸厥候

尸厥者陰氣逆也此由陽脉卒下墜陰脉卒上升陰陽離居榮衛不通真氣厥亂客邪乘之其狀如死猶微有息而不汨脉尚動而形無知也聽其耳內循循有如嘯之聲而股間暖是也耳內雖無嘯聲而脉動者故當以尸厥治之診其寸口脉沈大而滑沈即爲實滑即爲氣實氣相搏身溫而汗此爲入府雖卒厥不知人氣復則自愈也若唇正青身冷此爲入藏亦卒厥不知人即死候其左手關上脉陰陽俱虛者足厥陰足少陽俱虛也病苦恍惚尸厥不知人妄有所見

卒死候

卒死者由三虛而遇賊風所爲也三虛謂乘年之衰一也逢月之空二也失時之和三也人有此三虛而爲賊風所傷使陰氣偏竭於內陽氣阻隔於外一氣維閉故暴絕如死若府藏氣未竭者良久乃蘇然亦有挾鬼神之氣而卒死者皆有頃邪退乃活也凡中惡及卒忤卒然氣絕其後得蘇者其邪氣不盡者停滯心腹或心腹痛或身躰沈重不能飲食而成宿疹皆變成注

卒忤候

卒忤者亦名客忤謂邪客之氣卒犯忤人精神也此是鬼厲之毒氣中惡之類人有魂魄衰弱者則爲鬼氣所犯忤喜於道間門外得之其狀心腹絞痛脹滿氣衝心胃或即悶絕不復識人肉色變異府藏虛竭者不即治乃至於死然其毒氣有輕重輕者微治而瘥重者侵尅府藏雖當時救療餘氣停

滯久後猶發乃變成注

卒忤死候

犯卒忤客邪鬼氣卒急傷人入於府藏使陰陽離絕氣血暴不通流奄然斃絕如死狀也良久陰陽之氣和乃蘇若府藏虛弱者即死亦有雖瘥而毒氣不尽時發則心腹利痛連滯變成注

鬼擊候

鬼擊者謂鬼厲之氣擊著於人也得之無漸卒著如人以刀矛刺狀胃腸腹內絞急切痛不可抑按或吐血或鼻中出血或下血一名為鬼排言鬼排觸於人也人有氣血虛弱精魂衰微忽與鬼神遇相觸突致為其所排擊輕者困而獲免重者多死

卒覺候



卒靈鬼者屈也謂夢裏爲鬼邪之所魘屈人卧不悟皆是魂魄外遊爲他邪所執錄欲還未得致成魘也忌火照火照則神魂遂不復入乃至於死而人有於燈光前魘者是本由明出是以不忌火也其湯熨針石別有正方補養宣導今附於後養生方導引法云拘魂魄門制魄户名曰握固法屈大母指著四小指內抱之積習不止眠時亦不復開令人不魘魅

又云人魘勿然明喚之魘死不疑聞喚之唯好得遠喚亦不得近而急喚亦喜失魂魄也

魘不寤候

人眠睡則魂魄外遊爲鬼邪所魘屈其精神弱者魘則久不得寤乃至氣暴絕所以須傍人助喚并以方術治之乃蘇

自縊死候

人有不得意者多生忿恨往往自縊以繩物係頸自懸挂

致死呼爲自縊若覺早雖已死徐徐捧下其陰陽經絡雖暴
壅閉而藏府真氣故有未盡所以猶可救療故有得活者若
見其懸挂便忽遽截斷其繩舊云則不可救此言氣已壅閉
繩忽暴斷其氣雖通而奔迸運悶故則氣不能還即不得復
生又云自縊死旦至暮雖已冷必可治暮至旦則難治此謂
其晝則陽盛其氣易通夜則陰盛其氣難通

又云夏則夜短又熱則易活又云氣雖已斷而心微溫者一
日已上猶可活也

溺死候

人爲水所沒溺水從孔竅入灌注府藏其氣壅閉故死若早
拯救得出即泚瀝其水令氣血得通便得活又云經半日及
一日猶可活氣若已絕心上暖亦可活

中熱暍候

五月炎熱人冒涉途路熱毒入內與五藏相并客邪熾盛或
鬱於不宣致陰氣卒絕陽氣暴壅經絡不通故奄然悶絕謂
之暈然此乃外邪所擊真藏未壞若便遇治救氣宣則蘇夫
熱暈不可得冷得冷便死此謂外卒以冷觸其熱蘊積於大
不得宣發故也

冒熱困乏候

人盛暑之時觸冒大熱熱毒氣入藏府則令人煩悶鬱冒至
於困乏也

凍死候

人有在於途路逢凄風苦雨繁霜大雪衣服露濡冷氣入藏
致令陰氣閉於內陽氣絕於外榮衛結澀不復流通故致禁
絕而死若早得救療血溫氣通則生又云凍死一日猶可治
過此則不可

尸病諸候

凡十二論

諸尸候

人身內自有三尸諸蟲與人俱生而此蟲忌血惡能與鬼靈相通常接引外邪爲人患害其發作之狀或沈沈默默不知所苦而無處不惡或腹痛脹急或礫塊踊起或牽引腰脊或精神雜錯變狀多端其病大駭略同而有小異但以一方治之者故名諸尸也

飛尸候

飛尸者發無由漸忽然而至若飛走之急疾故謂之飛尸其狀心腹刺痛氣息喘急脹滿上衝心胃者是也

遁尸候

遁尸者言其停遁在人肌肉血脈之間若卒有犯觸即發動

亦令人心腹脹滿刺痛氣息喘急傍攻兩脇上衝心胃瘥後
腹發停道不消故謂之遁尸也

沈尸候

沈尸者發時亦心腹絞痛脹滿喘急衝刺心胃攻擊脇肋雖
歇之後猶沈痼在人府藏令人四肢無處不惡故謂之沈尸

風尸候

風尸者在人四肢循環經絡其狀冷躍去來沈沈默默不知
痛處若衝風則發是也

尸注候

尸注病者則是五尸內之尸注而挾外鬼邪之氣流注身軀
令人寒熱淋瀝沈沈默默不知所苦而無處不惡或腹痛
脹滿喘急不得氣息上衝心胃傍攻兩脇或礫塊踊起或牽
引腰脊或舉身沈重精神雜錯恒覺悞謬每節氣改變輒致

大惡積月累年漸就頓滯以至於死死後復易傍人乃至滅門以其尸病注易傍人故爲尸注

伏尸候

伏尸者謂其病隱伏在人五藏內積年不除未發之時身軀平調都如無患若發動則心腹刺疼脹滿喘急其湯熨針石別有正方補養宣導今附於後

養生方導引法云叩齒二七過輒咽氣二七過如此三百通乃止爲之二十日日邪氣悉去六十日小病愈百日大病除伏尸皆去面軀光澤

陰尸候

陰尸者由躰虛受於外邪搏於陰氣陰氣壅積初著之狀起於皮膚內卒有物狀似蝦蟇經宿與身內尸蟲相搏叩杯大動搖掣痛不可堪忍此多因天雨得之過數日不治即死



冷尸候

冷尸者由是身內尸蟲與外邪相接引為病發動亦心腹脹滿刺痛氣急但因觸冷即發故謂之冷尸

寒尸候

寒尸者由身內尸蟲與外邪相引接所成發動亦令人心腹脹滿刺痛但以其至冬月感於寒氣則發故謂之寒尸

喪尸候

人有年命衰弱至於喪死之變而心意忽有所畏惡其身內尸蟲性既忌惡便更接引外邪共為疹病其發亦心腹刺痛脹滿氣急但逢喪變其病則發故謂之喪尸

尸氣候

人有觸值死尸或臨尸其尸氣入腹內與尸蟲相接成病其發亦心腹刺痛脹滿氣急但聞尸氣則發故謂之尸氣

重刊巢氏諸病源候總論卷之二十三

注病諸候 凡二十四論

諸注候

凡注之言住也謂邪氣居住人合之內故名爲注此由陰陽失
中經絡空虛風寒暑濕勞倦之所致也其傷寒不時發汗或
發汗不得真汗三陽傳於諸陰入於五藏不時除差留滯或
宿食冷熱不調邪氣流注或乍感生死之氣卒犯鬼物之精
皆能成此病其變狀多端乃至三十六種九十九種而方不
皆顯其名也又有九種注一曰風注皮肉掣振或遊易不定
一年之後頭髮墮落頭項掣痛骨立解鳴兩目疼鼻中酸切
牙齒蟲蝕又云其病人欲得解頭却巾頭痛此名溫風病人
體熱頭痛骨節兩強此名汗風或遊腫在眼或在手脚此名



柔風結以噉食眼目汗出此名水風或腦轉肉裂目中系痛不欲聞人語聲此名大風或不覺絕倒口有沫此名絕風或被髮狂走打破人物此名顛風或叫呼罵詈獨語談笑此名狂風或口噤面喎矣四支不隨此名寄風或體上生瘡眉毛墮落此名糾風或頑痺如蛙螫或癢或痛此名疰風或舉身戰動或鼻塞此名罩風又云人死三年之外魂神因作風塵著人成病則名風注二曰寒注心腹懊痛嘔沫二年之後大便秘血吐逆青沫心懊痛鞞腹滿腰脊疼強痛三曰氣注走入神機妄言百日之後體皮腫起乍來乍去一年之後體滿失顏色三年之後變吐作蟲難治四曰生注心脇痛轉移無常三日之後體中痛移易牽掣絞心脇一年之後頤目赤精澤青黑一年之後效逆下痢變作蟲難治五曰涼注心下乍熱乍寒一年之後四支重喜臥意酢體常浮腫性

來不時皮肉黑羸瘦生瘡口黃爪甲及口唇善笑曰酒注體
氣動熱氣從胃中上下無處不痛一年之後四支重喜臥喜
噦噫酸體面浮腫往來不時七日食注心下鞠痛懊懷徹背
一年之後令人羸瘦虛腫先從脚起體肉變黑臍內時絞痛
八曰水注手脚起腫百日之後體肉變黃髮落目失明二年
之後難治三年身體腫水轉盛體生蟲死不可治九曰尸注
體痛牽掣非常七日之後體肉變白駁咽喉內吞如有物兩
脇裏鞠時痛凡欲知是注非注取紙覆痛處燒頭髮令熱以
簇紙上若是注髮黏著紙此注氣引之也若非注髮即不著
紙診其注病脉浮大可治細而數難治
養生方云諸濕食不見影食之成卒注

風注候

注之言住也言其連滯停住也風注之狀皮膚遊易往來痛

無常夢是也由體虛受風邪邪氣客於榮衛隨氣行遊故謂風注其湯熨鉗石別有正方補養宣導今附於後

養生方導引法云兩手交拓兩髀頭面兩肘頭仰上極勢身平頭仰同時取勢肘頭上下三七搖之去髀肘風注咽項急並脉不通

鬼注候

注之言住也言其連滯停住也人有先無他病忽被鬼排擊當時或心腹刺痛或悶絕倒地如中惡之類其得差之後餘氣不歇停住積久有時發動滯停住乃至於死死後注易傍人故謂之鬼注

五注候

注者住也言其連滯停住死也注易傍人也注病之狀或乍寒乍熱或皮膚滿躍或心腹刺痛或支節沉重變狀多端

